



## **MEMORANDUM O SURADNJI**

između

**Vijeća Europe**

i

**Grada Mostara**

za implementaciju projekta

**Razvoj demokratskog učešća u Gradu Mostaru**

U okviru

**Akcionog plana Vijeća Europe za Bosnu i Hercegovinu 2018-2021**

## **Svrha**

Ovaj Memorandum o suradnji se usaglašava između Vijeća Europe i Grada Mostara sa svrhom obezbjeđivanja okvira za suradnju i partnerstvo u cilju podrške u zajedničkoj implementaciji projekta Kongresa lokalnih i regionalnih vlasti, Vijeća Europe i Grada Mostara „Razvoj demokratskog učešća u Gradu Mostaru“.

## **Obrazloženje**

Težnja Bosne i Hercegovine da unaprijedi rad vlasti na svim nivoima je podržana od strane Kongresa lokalnih i regionalnih vlasti Vijeća Europe kroz projekat “Razvoj demokratskog učešća u Gradu Mostaru”. Cjelokupni cilj projekta je obnova povjerenja građana/građanki prema nosiocima javnih funkcija i stvaranje mogućnosti da se građanke/građani Mostara uključe u donošenje odluka na lokalnom nivou, a posebno u deliberativni proces specifično dizajniran za Grad Mostar.

Ovaj deliberativni proces se temelji na posebno dizajniranoj metodologiji koja će omogućiti nasumično odabranim građankama/građanima da sudjeluju u deliberacijama Skupštine građana za Grad Mostar. Ovaj proces će omogućiti dijalog među građankama/građanima Mostara i sa predstavnicima Grada Mostara.

Strane potpisnice ovog Memoranduma iskazuju spremnost i posvećenost da surađuju u osnaživanju lokalne demokracije i učešću građanki/građana Mostara u procesu donošenja odluka na lokalnom nivou, održavaju redovne konsultacije i uvažavaju međusobne uloge i obveze, u cilju uspješne realizacije ciljeva projekta „Razvoj demokratskog učešća u Gradu Mostaru“.

## **Strane potpisnice Memoranduma o suradnji se obvezuju da:**

### **Vijeće Europe će**

- uvažiti Grad Mostar kao glavnog partnera projekta i osigurati njegovu vidljivost tokom provedbe istog;
- pružiti podršku Gradskom vijeću i Gradskoj upravi Mostara u poticanju proaktivnog i transparentnog pristupa u procesima donošenja odluka na lokalnom nivou i stvaranju inkluzivnog okruženja za odgovaranje na potrebe građana i najhitnije lokalne teme;
- podržati dijalog i suradnju između Grada i građanki/građana Mostara, u okviru deliberativnog procesa koji se zajednički implementira u sklopu projekta;
- osigurati stručnost, profesionalnu i tehničku podršku i resurse za implementaciju projektnih aktivnosti;

- podržati koordinaciju, komunikaciju i umrežavanje između ovog projekta i drugih relevantnih implementiranih inicijativa na lokalnom, nacionalnom i međunarodnom nivou, kao i sa svim relevantnim akterima koji mogu doprinijeti realizaciji ciljeva projekta;
- predstaviti razvoj deliberativnog procesa i rezultate deliberacije Skupštine građana putem namijenjene web platforme i relevantnih komunikacijskih kanala Vijeća Europe na transparentan i pravovremen način;
- nastaviti suradnju i podršku sprovođenju deliberativnog procesa u Gradu Mostaru i nakon 2021. godine, a u sklopu Akcionog plana koji je u procesu usaglašavanja između Vijeća Europe i vlasti Bosne i Hercegovine.

## **Grad Mostar će**

- promovirati projekat na lokalnom, regionalnom i međunarodnom planu, u skladu sa svojim mogućnostima i dostupnim medijskim platformama (web stranica Grada, štampari/elektronski/socijalni mediji, pres konferencije);
- delegirati predstavnike Gradske uprave i Gradskog Vijeća Mostara u upravljačka tijela deliberativnog procesa i poticati njihovo aktivno sudjelovanje u relevantnim aktivnostima i u evaluaciji projekta;
- imenovati i ovlastiti predstavnika Gradonačelnika koji će koordinirati sa projektnim timom Vijeća Europe i djelovati kao kontakt osoba za projektni tim;
- dozvoliti pro bono brendiranje ključnih promotivnih materijala projekta sa logotipom Grada Mostara;
- preuzeti sve korake kako bi se osiguralo adresiranje preporuka kreiranih od strane građanki i građana tokom deliberativnog procesa i da će iste biti razmotrene, uključujući i Vijeće Grada Mostara;
- obavijestiti Vijeće Europe o diskusijama i odlukama Vijeća Grada Mostara po pitanju preporuka proistaklih iz procesa deliberacije i načinima na koji se može osigurati održivost predloženih rješenja;
- promovirati i osigurati rodno osjetljiv pristup u svim segmentima Memoranduma i promovirati i osigurati jednakopravnost polova koliko god moguće u svim relevantnim aktivnostima;
- doprinijeti evaluaciji Skupštini građana i njenom procesu;
- analizirati potencijalne benefite koji proizilaze iz procesa deliberacije, te prilagoditi relevantne strategije i politike koje će dovesti do inkluzivnijeg i održivijeg pristupa u procesu donošenja odluka u Gradu Mostaru;
- nastaviti pružati podršku deliberativnom modelu učešća građana kako bi se poboljšao kvalitet lokalne demokracije u Gradu Mostaru i razmotriti održavanje Skupštine građana u periodu 2022/2023. godina.

## Stupanje na snagu

Memorandum stupa na snagu nakon potpisivanja partnerskih strana a obveze proistakle iz Memoranduma su valjane do 31. 12. 2021. godine. Po isteku trajanja ovog Memoranduma, strane potpisnice će odlučiti o nastavku suradnje. Raskid ovog Memoranduma stupa na snagu kada jedan partner to zatraži u pisanom obliku.

*Potpisano u Mostaru, Bosni i Hercegovini dana 9. srpnja 2021. godine na engleskom i službenom jeziku u Bosni i Hercegovini, pri čemu su oba teksta jednako vjerodostojna.*

Ispred Grada Mostara



**Mario KORDIĆ**  
Gradonačelnik Grada Mostara

Ispred Ureda Vijeća Europe u Sarajevu



**Bojana URUMOVA**

Šefica Ureda Vijeća Europe u Sarajevu